


---

**AKTI I THEMELIMIT DHE STATUTI I  
SHOQËRISË ME PËRGJEGJËSI TË KUFIZUAR  
“ADVENTURES IN ALBANIA” SHPK**

---

Two handwritten signatures are present at the bottom right of the document. The signature on the left appears to be "Jozef" and the signature on the right appears to be "Ergjegjësi".

**AKTI I THEMELIMIT DHE STATUTI  
I SHOQËRISË ME PËRGJEGJËSI TË KUFIZUAR  
"ADVENTURES IN ALBANIA" SHPK**

**KREU I  
EMRI I SHOQËRISË, SELIA, KOHËZGJATJA, OBJEKTI**

**NENI 1  
THEMELIMI, EMRI I SHOQËRISË**

- 1.1 Sot në Durrës, më datë 01.11.2023, u themelua shoqëria me përgjegjësi të kufizuar me emrin: "ADVENTURES IN ALBANIA" SHPK ("Shoqëria").
- 1.2 Themeluesit e shoqërisë janë;
  - Zj. Orjada Nikollë shtetase shqiptare, lindur më 10.02.1989, identifikuar me letërnjoftimin bashkëlidhur;
  - Zj. Iva Hasa, shtetase shqiptare, lindur më 16.11.1986, identifikuar me letërnjoftimin bashkëlidhur;

**NENI 2  
SELIA**

- 2.1 Selia e Shoqërisë ndodhet në Durrës, Shqipëri, në adresën: Lagjja nr. 1, Rruga "Taulantia", Nd. 26, Hyrja 1, Ap. 25.
- 2.2 Asambleja e Përgjithshme mund të vendosë mbi transferimin e selisë së Shoqërisë në një adresë tjetër. Organi administrues i Shoqërisë mund të themelojë ose mbyllë degë dhe/ose zyra përfaqësimi, si brenda ashtu edhe jashtë Republikës së Shqipërisë.

**NENI 3  
KOHËZGJATJA**

- 3.1 Shoqëria do të zhvillojë aktivitetin e saj për një periudhe kohore me afat të pacaktuar.

**NENI 4  
OBJEKTI I SHOQËRISË**

- 4.1 Shoqëria ka për objekt të saj kryerjen e të gjitha aktiviteteve që një shoqëri me përgjegjësi të kufizuar mund të ushtrojë në bazë të legjisacionit shqiptar, brenda ose jashtë territorit të Republikës së Shqipërisë, duke përfshirë por pa u kufizuar në:
  - a) Veprimtari turistike të lidhura me akomodimin turistik, përfshirë ofrimin, administrimin, ndërmjetësimin, qiradhënien dhe shitblerjen e apartamenteve, vilave apo strukturave turistike, në pronësi të shoqërisë apo të të tretëve;

- b) Veprimtari të lidhura me ofrumin, administrimin, ndërmjetësimin dhe qiradhënien e automjeteve të çfarëdo lloji, përfshirë edhe ofrimin e toureve turistike, me guida/udhërrëfyes dhe drejtues automjetesh, në pronësi të shoqërisë apo të tretëve;
  - c) Ofrimin e shërbimeve turistike, të tilla si shërbime konsulencë, agjenci udhëtimesh, transport personash brenda dhe jashtë vendit, akomodim, argëtim dhe të gjitha shërbimeve të tjera për kalimin e kohës së lirë.
  - d) Operator turistik i cili ofron organizimin e udhëtimeve dhe paketave të udhëtimeve, drejtpërdrejt apo nëpërmjet agjencive të udhëtimit.
  - e) Shërbimet e lidhura me mundësimin e pagesave të faturave të ndryshme, përfshirë por pa u kufizuar në ato të energjisë, ujësjellësit, internetit apo shërbimeve telefonike dhe televizive, gjobave apo të ngjashme.
  - f) Ofrimin e shërbimeve dhe veprimtarive financiare të lidhura me këmbimet valutore dhe të transferimit të parave;
  - g) Agjent sigurimesh;
  - h) Shitblerjen e produkteve ushqimore, pijeve apo produkteve për konsum tek të tretët.
  - i) Çdo aktivitet tjeter të lidhur, të ngjashëm apo që mundëson ofrimin e shërbimeve të sipërpërmendura apo ato që do të ushtrohen në të ardhmen.
- 4.2 Për këtë qëllim, Shoqëria mund të veprojë në Shqipëri dhe jashtë saj dhe të kryejë çdo aktivitet tjeter të lidhur, ndihmës me qëllim të përmbushë ose të jetë i dobishëm për përmbushjen e objektit të saj.
- 4.3 Për përmbushjen e objektit të saj Shoqëria:
- a) Mund të marrë pjesë dhe të jetë e interesuar në shoqëri dhe sipërmarrje, shqiptare apo të huaja, që kryejnë aktivitete të njëta, të ngjashme apo të lidhura me aktivitetin e saj ose të subjekteve pjesëmarrëse;
  - b) Mund të kryejë të gjithë veprimet e nevojshme ose të dobishme ose që kanë të bëjnë, përfshirë por pa u kufizuar në: ofrimin e garancive reale dhe/ose personale për detyrimet e veta dhe së të tretëve, veprime me pasuri të luajtshme, të paluajtshme, tregtare dhe çdo veprim tjeter që ka të bëjë me objektin e saj ose që mundëson një përdorim më të mirë të strukturave dhe/ose burimeve nëpërmjet shoqërise ose sipërmarrjeve në të cilat, direkt apo indirekt, Shoqëria ka pjesëmarrje apo kontrollin e tyre.

**KREU II  
KAPITALI, KALIMI I KUOTAVE,  
ZMADHIMI DHE ZVOGËLIMI I KAPITALIT**

**NENI 5  
KAPITALI I SHOQËRISË**

- 5.1 Kapitali fillestar i Shoqërisë është 100.000 (dhjetë mijë) Lekë, i ndarë në 2 (dy) kuota. Kapitali i Shoqërisë pënnshkruhet dhe paguhet tërësisht nga ortakët sipas kontributeve të mëposhtme:
- Zj. Orjada Nikollı shtetase shqiptare, lindur më 10.02.1989, në Krastë,

The image shows two handwritten signatures in black ink, each accompanied by a typed name below it. The signatures are fluid and unique to the individuals.

identifikuar me letërnjoftimin bashkëlidhur, e cila zotëron një kuotë pjesëmarrje të barabartë me 5.000 Lekë (pesë mijë lekë), e barazvlefshme me 50% të kapitalit të Shoqërisë;

- Zj. Iva Hasa, shtetase shqiptare, lindur më 16.11.1986, në Durrës, identifikuar me letërnjoftimin bashkëlidhur, e cila zotëron një kuotë pjesëmarrje të barabartë me 5.000 Lekë (pesë mijë lekë), e barazvlefshme me 50% të kapitalit të Shoqërisë;
- 5.2 Asnjë nga ortakët nuk mund të transferojë kuotat përkatëse të pjesëmarrjes në Shoqëri pa miratimin paraprak me shkrim të ortakëve të tjerë. Në rast se një nga ortakët dëshiron të cedojet, plotësisht apo pjesërisht, kuotën e tij, duhet t'ia ofrojë kuotën e tij për blerje ortakëve të Shoqërisë. Brenda 30 (tridhjetë) ditëve nga ofrimi i kuotës për blerje, ortakët do të kenë të drejtë të blejnë kuotën e ofruar uë shitje sipas çmimit dhe mënyrave të pagesës për të cilat kanë rene dakord me ortakun shitës.
- 5.3 Pavarësisht nga parashikimet e paragrafit 5.2, secili ortak mund të shesë lirisht, plotësisht ose pjesërisht, kuotën e tij një shoqërie të kontrolluar nga ky ortak.
- 5.4 Në rast zmadhiimi apo zvogëlimi të kapitalit themeltar të Shoqërisë, ortakët do të kenë të drejtë e nënshkrimit të zmadhimit apo zvogëlimit të kapitalit në përpjesëtim të drejtë me pjesëmarrjen që zotëron secili në kapitalin e Shoqërisë.

## NENI 6 ZMADHIMI I KAPITALIT

- 6.1 Asambleja e Përgjithshme mund të zmadhojë kapitalin e Shoqërisë, me kuorumin e përcaktuar i një nenin 8.10 të këtij Akt Themelimi dhe Statuti. Vendimi i Asamblesë së Përgjithshme për zmadhimin e kapitalit do t'i komunikohet me shkrim ortakëve që janë thirrur por nuk ishin të pranishëm në mbledhjen e Asamblesë së Fërgjithshme që vendosi për zmadhimin e kapitalit.
- 6.2 Në rast zmadhimi të kapitalit, të gjithë ortakët do të kenë të drejtë të nënshkruajnë zmadhimin e kapitalit, në para ose me kontribute në natyre, në përpjesëtim të drejtë me kuotat që zotërojnë në Shoqëri.

## NENI 7 ZVOGELIMI I KAPITALIT

- 7.1 Asambleja e Përgjithshme mund të zvogëlojë kapitalin e Shoqërisë, me kuorumin e përcaktuar në nenin 8.10 të këtij Akti Themelimi dhe Statuti. Në çdo rast kapitali i Shoqërisë nuk mund të zvogëlohet nën kufirin e përcaktuar me ligj.
- 7.2 Ortakët e përballojnë zvogëlimin e kapitalit të Shoqërisë, në përpjesëtim të drejtë me pjesëmarrjen e tyre në kapitalin e Shoqërisë.



**KREU III**  
**ASAMBLEJA E PËRGJITHSHME**

**NENI 8**  
**ASAMBLEJA E PËRGJITHSHME**

- 8.1 Asambleja e Përgjithshme është organi vendimmarres i Shoqërisë. Asambleja e Përgjithshme vendos mbi të gjitha çështjet për të cilat është kompetente sipas ligjeve në fuqi në Republikën e Shqipërisë, sipas këtij Akt Themelimi dhe Statuti dhe/ose çdo marrëveshje midis ortakëve të Shoqërisë.
- 8.2 Çdo ortak ka të drejtë të marrë pjesë në mbledhjet e Asamblesë së Përgjithshme, të shprehë vullnetin e tij si dhe të votojë në përputhje me pjesët e kapitalit që ai zoteron në Shoqëri.
- 8.3 Çdo ortak mund të përfaqësohet nga një ortak tjeter ose nga një përfaqësues i deleguar me prokurë me shkrim.
- 8.4 Mbledhja e Asamblesë së Përgjithshme mund të mbahet brenda ose jashtë territorit të Republikës së Shqipërisë. Ortakët ose përfaqësuesit e autorizuar mund të marrin pjesë në mbledhjen e Asamblesë së Përgjithshme nëpërmjet mjeteve elektronike, përfshirë telekonferencën (*conference call*) audio ose video, në përputhje me ligjin për Tregtarët dhe Shoqëritë Tregtare dhe ligjin për komunikimet elektronike. Mbledhja e Asamblesë së Përgjithshme do të quhet e mbajtur në vendin ku ndodhet Kryetari i saj dhe Sekretari i mbledhjes, me qëllim që të hartohet dhe të nënshkruhet procesverbal i përkatës.
- 8.5 Asambleja e Përgjithshme mund të thirret nga Administratori/ët ose nga ortakët që përfaqësojnë të paktën 5% të kapitalit të Shoqërisë. Thirrrja e mbledhjes së Asamblesë së Përgjithshme duhet të bëhet nëpërmjet njoftimit me shkrim ose me mjete elektronike, dërguar secilit prej ortakëve në adresat e njoftuara Shoqërisë, të paktën 15 (pesëmbëdhjetë) ditë përpara datës së caktuar për mbledhjen e saj. Njoftimi duhet të përmbajë rendin e ditës, vendin, datën dhe orën e mbledhjes. Asambleja e Përgjithshme do të mblidhet rregullisht, pavarësisht nga këto formalitete, në rast se të gjithë ortakët apo përfaqësuesit e tyre janë të pranishëm dhe bien dakord për rendin e ditës.
- 8.6 Mbledhjet e Asamblesë se Përgjithshme kryesohen nga Administratori/ët.
- 8.7 Vendimet e Asamblesë së Përgjithshme duhet të jenë me shkrim dhe të firmosen nga kryetari dhe sekretari. Me kërkesë të ortakëve, vendimet duhet të përfshijnë dhe deklaratat apo vërejtjet e tyre.
- 8.8 Asambleja e Përgjithshme mblidhet të paktën një herë në vit, brenda 6 (gjashtë) muajve nga mbyllja e viti financiar.
- 8.9 Asambleja e Përgjithshme, në rastin e vendimeve që kërkojnë shumicën e zakonshme, merr vendime te vlefshme vetëm nëse marrin pjesë ortakët me të drejtë vote ose përfaqësuesit e tyre, që zoterojnë më shumë se 30% (tridhjetë për qind) të kapitalit të Shoqërisë, përvèç rasteve të parashikuara më poshtë në nenin 8.10. Në rast se ky kuorum nuk arrihet, Asambleja e Përgjithshme thirret në një mbledhje të dytë brenda 30 (tridhjetë) ditëve nga mbledhja e parë.

Faqe 5 nga 8

- 8.10 Asambleja e Përgjithshme vendos me votat pro tē  $\frac{3}{4}$  të ortakëve pjesëmarrës apo tē përsaqësuar që zoterojnë më shumë se 50% të kapitalit të Shoqërisë për ndryshiimin e këtij Akt Themeli mi dhe Statuti, zmadhimin ose zvogëlimin e kapitalit të Shoqërisë, shpërndarjen e fitimeve, riorganizimin dhe prishjen e Shoqërisë.

**KREU IV**  
**ADMINISTRIMI I SHOQËRISË**

**NENI 9**  
**ADMINISTRIMI I SHOQËRISË**

- 9.1 Shoqëria administrohet nga Administratori/ët i cili/të cilët zgjidhen nga Asambleja e Përgjithshme për një periudhë prej 5 (pesë) vjetësh. Administratori/ët mund tē rizgjidhen dhe shkarkohen në çdo kohë nga Asambleja e Përgjithshme.
- 9.2 Administratori/t zoteron kompetenca të plota në lidhje me administrimin e Shoqërisë dhe mund tē kryejë të gjitha aktet që konsideron tē nevojshme për realizimin e objektit të Shoqërisë, përvèç atyre që ligji apo ky Akt Themelimi dhe Statut ia rezervon Asamblesë së Përgjithshme apo organeve të tjera të Shoqërisë.
- 9.3 Administratori/ët vepron në përmuthje me politikat tregtare tē vendosura nga Asambleja e Përgjithshme. Administratori është përgjegjës për veprimet e kryera ne administrimin e Shoqërisë. Administratori mund tē delegoje persona të tretë për kryerjen e veprimeve dhe akteve që kanë tē bëjnë me administrimin e Shoqërisë. Administratori mban përgjegjësi për të gjitha veprimet e kryera nga tē tretët e deleguar për administrimin e Shoqërisë.
- 9.4 Administratori/ët do te veprojë në çdo kohë vetëm në interesin më të mirë të Shoqërisë. Në rast konflikti interesë, Administratori do tē njoftojë menjëherë ortakët si dhe do tē heqë dorë nga çdo veprim që lidhet me objektin e konfliktit tē interesit deri në marrjen e udhëzimeve nga Asambleja e Përgjithshme.
- 9.5 Administratori i parë i Shoqërisë është jetë:  
c) Z. Elion Shkodrani, shqetas shqiptar, me banim në Durrës, lindur më 15.02.1980 identifikuar me letërnjoftimin bashkëlidhur.

**NENI 10**  
**PËRFUNDIMI I DETYRËS SË ADMINISTRATORIT/ËVE**

- 10.1 Detyra e Administratorit përfundoj në rast se:
- personi nuk gjzon cilësinë e Administratorit sipas parashikimeve të ligjit;
  - personi ndodhet në gjendje paftësie paguese;
  - personi jep dorëheqjen nga detyra duke njoftuar Shoqërinë;
  - ka munguar pa arsyë në detyrë për më shumë se 6 (gjashtë) muaj radhazi, ose;
  - Asambleja e Përgjithshme vëndos ta shkarkojë nga detyra

**KREU V**  
**KONTROLLI FINANCIAR I SHOQËRISË,**  
**VITI FINANCIAR, BILANSI VJETOR, DIVIDENDI**

**NENI 11**  
**KONTROLLI FINANCIAR**

- 11.1 Kontrolli financiar i Shoqërisë kryhet nga Eksperte Kontabël, sipas legjislacionit shqiptar në fuqi. Asambleja e Përgjithshme do të emëroje një apo më shumë Ekspertë Kontabël të Autorizuar në ato raste kur emërimi i tyre konsiderohet i nevojshëm ose kërcohët në bazë të ligjit.

**NENI 12**  
**VITI FINANCIAR**

- 12.1 Viti Financiar i Shoqërisë fillon më 1 Janar dhe mbaron më 31 Dhjetor të çdo viti.

**NENI 13**  
**BILANSI VJETOR**

- 13.1 Bilanci vjetor, pasqyrat financiare, inventari, raportet e Administratorit/ve dhe të Ekspertit Kontabël të Autorizuar (nëse janë emëruar) miratohen nga Asambleja e Përgjithshme. Administratori i paraqet për miratim Asamblesë së Përgjithshme raportin mbi administrimin e Shoqërisë si edhe llogaritë vjetore.
- 13.2 Dokumentet që kanë të bëjnë me vitin financiar miratohen nga Asambleja e Përgjithshme brenda 6 (gashtë) muajve nga mbyllja e vitit financiar.

**NENI 14**  
**DIVIDENDI**

- 14.1 Ne përputhje me ligjin për Tregtaret dhe Shoqëritë Tregtare, Shoqëria, me shumicë të kualifikuar të votave së Asamblesë të Përgjithshme sipas nenit 8.10, mund të deklarojë shpërndarjen e dividendëve në përputhje me të drejtat përkatëse të ortakëve.

**KREU VI**  
**PRISHJA DHE LIKUIDIMI; LIGJI I ZBATUESHME**  
**ZGJIDHJA E MOSMARRE VESHJEVE**

**NENI 15**  
**PRISHJA DHE LIKUIDIMI I SHOQËRISË**

Faqe 7 nga 8

- 15.1 Në rastin e prishjes dhe iu kuidimit të Shoqërisë do të zbatohen dispozitat e parashikuara në ligjin për Tregtarët dhe Shoqërítë Tregtare.

**NENI 16**  
**LIGJI I ZBATUESHËM**

- 16.1 Shoqëria do të zhvillojë aktivitetin e saj në përputhje të plotë me këtë Akt Themelimi e Statut dhe ligjin shqiptar. Për sa nuk është parashikuar në këtë akt, do të zbatohen dispozitat e legjislacionit shqiptar në fushën e shoqërive tregtare.

**NENI 17**  
**ZGJIDHJA E MOSMARRËVESHEVE**

- 17.1 Mosmarrëveshjet që mund të lindin ndërmjet Shoqërisë dhe ortakëve, apo ndërmjet ortakëve dhe trashëgimtarëve të ortakëve ose ortakëve të tjera dhe/ose Shoqërisë, që kanë për objekt të drëjtë të iiddura me Shoqërinë, do të zgjidhen miqësish ndërmjet palëve të interesuara. Në rast se palët nuk arrijnë një zgjidhje miqësore, Gjykata e Rrethit Gjyqësor Durrës do të jetë kompetente për zgjidhjen e mosmarrëveshjeve.

**ORTAKËT**

**ORJADA NIKOLLI**

ORJADA NIKOLLI



**IVA HASA**

Iva Hasa

